

Angus holdanaut frá Nautís fædd 2020

Guðmundur Jóhannesson
ráðunautur
í nautgripærkt
mundi@rml.is



Hér er nú kynntur þriðji árgangur Angus-holdanauta frá Nautgripærktarmiðstöð Íslands á Stóra-Ármóti. Þessir gripir eru eins og fyrri árgangar tilkomnir með innflutningi fósturvísa frá Noregi og því um að ræða sérvalda úrvalsgripir. Innflutningur fósturvísa er ekki einfalt mál og mikið ferli sem til þarf þar sem gætt er ítrustu smitvarna enda er stöðin á Stóra-Ármóti einangrunarstöð í strangasta skilningi þess orðs.

Holdanautakynið Aberdeen Angus er óþarft að kynna enda kjötgæði þess rómuð og kjötnýting mjög góð. Kynið hentar vel þar sem áhersla er lögð á nýtingu beitar og gróffóðurs ásamt góðum móðureiginleikum, mjólkurlagni og léttan burð. Það hentar því vel í t.d. blendingsrækt þar sem burðarerfiðleikar eru fremur fátíðir.

Við val á fósturvísnum til uppsetningar hérlendis hefur frá því

Nautgripærktarmiðstöð Íslands (Nautís) var stofnuð verið sérstaklega horft til nauta sem gefa góða móðureiginleika til uppbyggingar á Angus-holdagripastofni hérlendis. Á árinu 2018 fæddust kálfar undan Li's Great Tigre NO74039 og First Boyd fra Li NO74033 og á árinu 2019 var um að ræða gripir undan Hovin Hauk NO74043 og Horgen Erie NO74029. Á árinu 2020 var eingöngu um að ræða kálfa undan Emil av Lillebakken NO74028. Allt eru þetta naut sem gefa góðar mæður.

Emil av Lillebakken, f. 2. janúar 2009, hjá Jan Hávard Refsethás í Haldalen í Þrændalögum. Þess má geta í framhjálaupi að í Vestmannaeyjum stendur eftirgerð stafkirkjunnar í Haldalen.

Emil er gott alhliða kynbótanaut sem gefur ríflega meðalstóra kálfa með léttan burð, bæði hjá kúm og kvígum, góðan vaxtarhraða, mikinn fallþunga og góða flokkun sem á við um hvort tveggja, holdfyllingu og fituflokkun. Mæðraeiginleikar dætra Emils eru einnig mjög miklir.

Til samanburðar við tölur um vöxt gripa á Stóra-Ármóti má nefna að Aberdeen Angus gripir á



Emil av Lillebakken, f. 2. janúar 2009, hjá Jan Hávard Refsethás í Haldalen í Þrændalögum. Mynd / Jan Arve Kristiansen

uppeldisstöðinni á Staur í Noregi voru að vaxa um 1.415-1.669 g/dag við uppgjör í mars 2021. Í þeim hópi voru fjórir synir Emils av Lillebakken. Nautin sem fæddust

á Stóra-Ármóti árið 2019 uxu um 1.442-1.842 g/dag frá fæðingu til og með maí 2020.

Þegar þetta er skrifað er sæðistaka úr þessum nautum ekki hafin

og því liggur ekki fyrir hver árgangur úr henni verður. Það er þó von allra sem að verkefninu standa að síðar í sumar standi þessi naut kúabændum til boða við sæðingar um land allt.



Emmi. Mynd / Halla Eygló Sveinsdóttir

Emmi 20401 - ET (1662742-0027)

Fæddur 22. júní 2020 á Nautgripærktarmiðstöð Íslands á Stóra-Ármóti

Ætt:			
F.	Emil av Lillebakken NO74028	M.	Hovin Nora NO103702
Ff.	Betong av Dagrød NO74017	Mf.	Junior av Nordstu NO74060
Fm.	Mairin NO24738	Mm.	Hovin Felippa NO31018
Fff.	Kincaid ET av Dagrød NO53755	Mff.	Paringa Iron Ore E27 AUHKFE27
Ffm.	NO17799	Mfm.	Fiona av Nordstu NO33057
Fmf.	Arctic's Samson NO74001	Mmf.	Hovin Velixir NO74011
Fmm.	Erin av Holthe NO21886	Mmm.	Hovin Vimse NO25829

Lýsing: Af Aberdeen Angus kyni. Svartur, kollóttur. Boldjúpur og útlögumikill með miklar og vel holdfylltar herðar. Hásinn er stuttur, sver og vöðvamikill. Bakið breitt og holdmikið, malir langar og ákaflega breiðar og holdfylltar. Lærvöðvinn gríðarmikill og vel kúptur. Fótstaða bein, sterkleg, rétt og gleið. Emmi er ákaflega vel gerður, holdmikill og glæsilegur gripur.

Umsögn: Fæðingarþungi var 48 kg. Við vigtun 15. júní 2021 vóg Emmi 608 kg og hafði því vaxið um 1.560 g/dag frá fæðingu. Emmi hefur alla tíð sýnt mjög mikla vaxtargetu.



Erpur. Mynd / Halla Eygló Sveinsdóttir

Erpur 20402 - ET (1662742-0028)

Fæddur 24. júní 2020 á Nautgripærktarmiðstöð Íslands á Stóra-Ármóti

Ætt:			
F.	Emil av Lillebakken NO74028	M.	Hovin Nora NO103702
Ff.	Betong av Dagrød NO74017	Mf.	Junior av Nordstu NO74060
Fm.	Mairin NO24738	Mm.	Hovin Felippa NO31018
Fff.	Kincaid ET av Dagrød NO53755	Mff.	Paringa Iron Ore E27 AUHKFE27
Ffm.	NO17799	Mfm.	Fiona av Nordstu NO33057
Fmf.	Arctic's Samson NO74001	Mmf.	Hovin Velixir NO74011
Fmm.	Erin av Holthe NO21886	Mmm.	Hovin Vimse NO25829

Lýsing: Af Aberdeen Angus kyni. Svartur, kollóttur. Boldjúpur með miklar útlögur, hálsinn stuttur sver og vöðvaður. Bakið er breitt og vel holdfyllt. Malirnar langar, breiðar og holdmiklar. Mikill og kúptur lærvöðvi. Fótstaða bein, sterkleg, rétt og gleið. Langvaxinn og ákaflega vel gerður gripur með mikla holdfyllingu.

Umsögn: Fæðingarþungi var 49 kg. Við vigtun 15. júní 2021 vóg Erpur 562 kg og hafði því vaxið um 1.537 g/dag frá fæðingu. Erpur hefur ávallt sýnt mikla og góða vaxtargetu.



Eðall. Mynd / Halla Eygló Sveinsdóttir

Eðall 20403 - ET (1662742-0029)

Fæddur 29. júní 2020 á Nautgripærktarmiðstöð Íslands á Stóra-Ármóti

Ætt:			
F.	Emil av Lillebakken NO74028	M.	Nanne av Høystad NO104656
Ff.	Betong av Dagrød NO74017	Mf.	Lord Rossiter av Høystad NO62302
Fm.	Mairin NO24738	Mm.	Kira av Høystad NO48643
Fff.	Kincaid ET av Dagrød NO53755	Mff.	Donaumoos King Rossiter G182 DE0985921182
Ffm.	NO17799	Mfm.	Hermine av Høystad NO36330
Fmf.	Arctic's Samson NO74001	Mmf.	Ilir av Høystad NO60252
Fmm.	Erin av Holthe NO21886	Mmm.	Beate v Teigen NO19157

Lýsing: Af Aberdeen Angus kyni. Svartur, kollóttur. Boldjúpur og feikilega útlögumikill með stuttan, sveran og holdugan háls. Mikil holdfylling í breiðu bakinu. Malirnar eru ákaflega breiðar og sérlega vel holdugar. Gríðarmikill og kúptur lærvöðvi. Fótstaða bein, sterkleg, rétt og gleið. Breiðvaxinn, holdmikill og glæsilegur gripur.

Umsögn: Fæðingarþungi var 44 kg. Við vigtun 15. júní 2021 vóg Eðall 582 kg og hafði því vaxið um 1.533 g/dag frá fæðingu. Eðall hefur ávallt sýnt mikla og góða vaxtargetu.